

Ն.Ս.Օ.Տ.Տ. ԳԱՐԵԳԻՆ Բ

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՕՐՀՆՈՒԹՅԱՆ
ԽՈՍՔԸ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ
ԺՈՂՈՎԻ ԵՐՐՈՐԴ ԳՈՒՄԱՐՄԱՆ ԱՆԴՐԱՆԻԿ ՆԻՍՏԻՆ**
(12 հունիսի 2003 թ.)

Մեծարգո Նախագահ,

Հայաստանի Ազգային ժողովի պարավարժան պարզամավորներ.

Ողջունում ենք Ձեզ Հայաստանի նորընտիր Խորհրդարանի այս անդրանիկ նիստի ա-
ռիթմով և ընտրության կապակցությամբ Մեր շնորհավորանքը բերում Ազգային ժողովի
պարզամավորներիդ:

Մեր հայրենիքի և հանուր հայության կյանքում որոշիչ վերափոխումների ու վերակա-
ռուցումների ժամանակաշրջան ենք ապրում՝ կապված ինչպես Հայաստանի անկախության
վերահաստատման ու Արցախի ազատագրության, այնպես և համընդհանուր փեղաշարժե-
րի ու վերակազմավորումների հետ: Վերափոխվում և ամրապնդվում են նաև մեր երկրի օ-
րենսդրական հիմքերը, որոնց վրա պիտի բարձրանա հասարակական մեր կյանքի նորոգ
շինվածքը՝ ապահովելով քրեատյուրյան կենսունակ զարգացումը, գիտության ու կրթությ-
ան և հոգևոր կյանքի շարունակական առաջընթացը:

Օրենքը արդարության և իրավունքի հաստատման հասարակական ձգտումն է և, ար-
դարև, «օրենքը սուրբ է», ինչպես ասում է առաքյալը (Հռոմ. Է 12): Սուրբ է օրենքը, երբ
նրանով իսկապես հաստատվում ենք արդարություն և իրավունք, երբ օրենքներ սահմանե-
լիս և օրենքները գործողության ճամփելիս առաջնորդվում ենք մարդու ու հասարակաց
համընդհանուր շահի անհրաժեշտություններով:

Օրենքներով կարգավորվում է մեր կյանքը՝ ընդանիքից մինչև ներպետական ու միջպե-
տական հարաբերություններ, հետևաբար օրենսդրությունը, իբրև արտահայտություն հա-
սարակական շահի մեր իրական մտահոգության, պետք է խառնված լինի ազգային մեր
ավանդներին, քրիստոնեական բարոյական մեր սկզբունքներին ու արժեքներին, քանզի օ-
րենքները միաժամանակ հասարակական մտածողություն են կրթում, դիմագիծ հավելում
մեր ազգային նկարագրին: Մեր ժողովրդի մշակութային հարուստ ժառանգության կարևոր
մաս են կազմում կանոնաց ու օրինաց ժողովածուները, որոնցով պետականության կորստի
պայմաններում անգամ հավաք է մնացել հայրենական մեր կյանքը:

Մեծարգո պարզամավորներ, Դուք կոչված եք կարևոր ու մեծ առաքելության: Ձեր ըն-
դունած օրենքները որքան որ համահունչ լինեն ժամանակի զարգացումներին ու խնդիրնե-
րին և հարազատ՝ մեր նկարագրին, մտածողությանն ու ձգտումներին, որքան որ հարիր՝
1700-ամյա քրիստոնեական երկրին ու մշակույթին, այնքան ավելի պիտանի ու գործուն

կլինեն և կերաշխավորեն մեր երկրում ժողովրդավարական գործընթացների զարգացումները:

Նայրապետիս հորդորն է Ձեզ, սիրելիներ, որ Նայասւրանի Ազգային ժողովում օրենքները կյանքի կոչեք Ձեր սիրով առ հայրենին ու հարազատ ժողովուրդը, որպեսզի այդ օրենքներով ավելի պաշտպանված լինի մեր Նայրենիքը, հասարակական ամուր դաշինք լինի ընկերային մեր կյանքը, և իբրև մեկ ամբողջություն շարունակեն ապրել Նայասւրանը, Արցախին ու Մփյուռքը: Աղոթում ենք, որ Ազգային ժողովի առաջիկա չորս փարիների գործունեությունը հայրենաշինության Ձեր միասիրտ ոգով կարևոր ներդրում դառնա մեր Նայրենիքի առաջընթացի, հայոց գալիքի հավաքաշող ճանապարհին:

Նայրապետական Մեր օրհնությունն ենք բերում Ձեզ և մաղթում, որ հանդիսավոր Ձեր երդումով սկիզբ առնող պարզամավորական Ձեր ուղին լինի արդյունաշատ՝ հանուն մեր ժողովրդի հույսերի ու սպասումների և խաղաղ, բարօր ու երջանիկ կյանքի:

Շնորհք և սէր Տառն մերոյ Յիսուսի Զրիստոսի եղիցին ընդ ձեզ. ամեն: